

استشفا

۱۱ تشرین اول ۱۳۲۴

جمعه ابرنی

نومرو ۶

اجمال داخلی

بشکطاش وقعه سی - روملک اوضاعی - مطبوعاته هوم وار!
حرب شایعه لری - احوال داخلیه من - حرب اقتصادی دوام ایدیور.

یافه حادثه سی

استانبول ، ۸ تشرین اول ۳۲۴ وقت ظهر

حریت و مشروطیت دشمنی ، یعنی ، انسانیت عدوی اولان اولان آلچاقلر
- موسم دیکشمسی اوزرینه برردلیکه کیروب بوزولدکن صوکره سپروحرکتلرینه
مساعد برحرارت حس ایدر ایتمز اشرف مخلوقات الهیه بولنان انسانلره مخصوص
مسکنلرده سرنمای مضرت اولان حشرات، اسافل حشرات کبی - زمان زمان
شوراده بوراده ظهور ایدرک زهر صاحجه یلتنیورلر، چالیشیورلر، حتی بعضاً
صاچیورلر. ییلانک باشی ازیلیر، عقرب کبرتیلیر. استبداد طرفدارانه کوستردیکمز
حلم و ملایمتک قدرینی بو دنیلر تقدیر ایتیورلر، حر عثمانلیلری بویله موجودات
سفیله و مضربه ایلشمامک مرتبه لرنده اظهار مرحمت ایدن قلوب ضعیفه اصحابنه
قیاس ایدیورلر. انقلاب شو ملت خائنلرینک حیاتی ده نماته منقلب ایتمک وانلری
نعش استبدادی تشیع و بو جسد مکروهه حفره ابدیتده بحقر رفاقت ایده جک
بر جماعت خاموشان حالته کتیرمک اقتدارینی حاز ایکن بونی یامدی، چونکه
ولو ملوث اولسون هیچ برقان دوکمک، بدعصمتی بولاشدیرمق ایستمدی. خفیه لک
عالمنده منافسات و معادات کونا کون حکم سوردیکی ایچون بو عالمده یشایانلر دست
استبدادک یالکر نوازشلرینه دکل ، جوق دفعه شدتلی سله لرینه دخی معروض
اولورلردی . حکومت مشروطه عثمانیه شوادانی یه قارشو هر درلو حرکتده سربست
و حقلی ایکن ابرازرقق و شفقت ایتدی. اداره حاضره نك حیات معصومه و محترمه سنه
توجیه مفسدت و ترتیب سوء قصد ایلیمکله خفیه لر انسانلقدن نه قدر اوزاق
اولدقلرینی الیکبی بر مثال ایله اثبات و تأیید ایلمشلردر.
بو اک یکی مثال بشکطاش حادثه مؤسفه سیدر .

بشکطاشده زنجیری قیوده بدریه اسمنده بر قاری نیجه زماندن برو مناسبات
 غیر مشروعهده بولندیغی طودوری نامنده بر روم بانجوان ایله ازدواج ایتمکی
 تصمیم ایدر و طودورینک قولوبه سنه کیدر. طودورینک باباسی ناموسلی بر آدم
 اولدیغندن می یوقسه ایشده وخامت عاقبت کوردیکندن می، هر نه دن ایسه بواز دواجه
 مخالفت ایدرک وقوع حالی قادینک باباسی چیلکچی محموده اخبار وقزنی آلمسی
 اخطار ایدر. محمد بر بدظنیت یوزندن نکون ایلان شو پک عادی واقعه یی ولوله یه
 دغدغه یه دوشورور: جهلا غندنده سوء تفسیراته اوغرایان حریتک اظهارات
 طبعیه سندن کبی کوستره رک اعصابی تحریک، حسباتی تهییج ایلر. ایشک بیویه جکئی
 آکلایان ضابطه طرفندن طودوری ایله معهود طول قاری بشکطاش قره غولخانه سنه
 کتیرتیلیر، هیجانه قارشو امنیت آلتنه آلتق ایستیر. چیلکچی محمودک محله محله
 قهوه قهوه طولاشوب فریاد و تظلمی اوزرینه فوج فوج خلق قره غولخانه بیشکانه
 طوپلانیر، قورقوج بر غلبه لک پیدا اولور. دور استبداده اوکندن کچمک بیه
 ایستمدیکمز پتمز توکنمز مظالمی ایشتدکجه تیره دیکمز بومدهش انکیزیسیون
 دائره سنده بولتان مأمورین و افراد ضابطه دن کیمی عادیاً سیرجی، کیمی عاجز
 قالیر. طوپلانلر، بو ایاق طاقی، نه نصیحت دکلر، نه نیاز. حال خواجه، کور
 خلیل کبی ماهیتلری اسمارندن بیه آکلاشیلان بعض جاهل، عوام فریب، رزیل
 حریفلرک تشویقانه قابیلیر. صاغدن صولدن طلب اولتان عسکرک تمام بش ساعت
 بر قوه کافیه اوله رق کلما سندن جرأت آلهرق قره غولی باصارلر. طودوری یی
 حکایه سی توپلر اور پرته جک بر صورت غدارانه و وحشیانه اده ولدیرلر، قادی خیمه
 یشایه میه جق بر حاله کتیریرلر: خیر بالارلر، چیکترلر، دیدیکلرلر... ایشته بتون
 قبح و کراهتیه بشکطاش وقعه سی. وقعه حد ذاتنده پک عادی، پک بیاغیدر. جاهل
 فرومایه بر قادینک احتراصات نفسانیه سنه، حسیات حیوانیه سنه مغلوب و منقاد
 اولوبده بشقه دینه سالک بر آدمیه غیر مشروع مناسبتده و ازدواج تشبثنده بولمسنندن
 اسلامیه حجاب ترتب ایتز، بویه مخلوقات ردیه هر دینده هر عصرده کورماشدر.
 اصل او آدملرک اطوار و افعالی شایان تأسفدرکه دیندار کورن دکاری حلاله دیناً

مردود بر وحشت اجرا ایلمشدر. شرعاً قصاصه محکوم اولان بر آدم بیله بویله
افنا ایلمز. فقط ایشک ایچنده ینه خفیه یارماغی، ینه استبداد محبتی وار. جریان
ایتمکده اولان تحقیقات شو حقیقی اطرافیه تبیین ایلده جکدر. عالمک بزه نصب
نکاه دقت ایلدیکی بر مهم زمانده بویله بر حادثه نك وقوعنه نه قدر اسف ایدلسه
یری واردر. پای تختده بشکطاش کی بر مرکزده، بر جمعهده، بر سوری او باش
ضابطه دآره سنك اوکنه بریکسون، حکومت اطااعت ایتمون، یعنی
عصیان ایتمون، حکومتک لندن انسان آلسون، وحشیانه اولدیرسونده بش ساعت
ایچنده بو جرم عظیمک منی قابل اوله ماسون... عسکر کوندرلمسی ایچون
شورایه بورایه فریاد اوستنه اسماع ایدلسون، استمداد استمداد اوستنه وقوع
بولسون، ده نهایت قوت دنیله بیله جک عسکر آجق بیان ایلدیکمز حرکت
وحشیانه نك اتمامدن صوکره کوندرلمش اولسون... داخلده و خارجهده کی
دشمنلرمزی سوبندیره جک بوندن مناسب شی اوله مازدی. مسیبلرک امثالجه
حقیقه موجب تریب اوله جق بر صورتده جزایرینک همان ترتیب و ایفا ایدلمسینه
صبر سزقله منتظر در. بزه توجه کوسترن عالم مدینتده بونی بکلپور. ضابطه
مملکتک بر آن اول اعاده اعتبار ایللمسی الزمدر. شو وقعنه نك روملر آره سنده
هیجانه باعث اولمس طیبی ایدی و اولدی. شو قدر وارکه بو هیجان، متأثرلری
صفت تابعیته منافی اولان افعاله سوق ایتمک لازم کلیردی. حالبوکه طودورینک
نعشی کلیسیایه کوتوریلیرکن تقسیمده روملر طرفدن آلتش، یولندن چوریلمش
و اجنبی سفارتلرینه کوتوریلیرک اورالرده کی مأمورینه، اغیاره کوسترلمشدر.
حمیت، وطن پرورلک، همشهریلک نقطه نظرلرندن بوقیل افعال مردود و مذمومدر.
صمائییه ده طریزونلی بر راهبک تشویقیله بلغاردکانلرینه هجوم ایدن روم ملتندن
بر طاقم اشخاص دخی «یشاسون یونانستان!» دیه باغیرمشلردر. — الزنده بر سلاح
باطلامش اولسندن طولانی افاده سی آلتق ایچون غلطه سراینه کوتوریلن مارقو
اسمنده بر حریفی جبراً استرداده قیام اولنش و متصرفلک دآره سی اوکنده
تجمع ایدرک «یالکر خرسیتیانلری طوتیورسکر» عتابیه کورلی، باطیردی ایدن

بینه روملردن بر جم غفیر مارقونك افاده سی آئسقدن صوکره تخلیه سیله
طاغیدیه بیلمشدر. روم و طنداشلر مزك عقلا و معتبرانی بوکی حرکات آهنگشکنانه نی
تقییح ایتمکده اولدقلر نی کورمکه متسلی اولیوروز.

هله «یالکر خرستیانلری طوتیورسکر» سوزی نه قدر مفترانه و بی وقوفانه
اورطه به آلمش بر سوزدر. بزدن همده اولیه دکل، بغیر حق، خلاف قانون
طوتیلانلر یوقی ایش؟ ایشته «قلم» غزته سی صاحی قرداشمز صلاح که
تشرین اولک بشنجی کونی او طه سنده بالذات ضبطیه ناظری ایله ضبطیه مکتوبیحیی
طرفدن باصامش، توقیف اولمش، غزته اداره خانه سنی بیاغی آبلوقه ایدن
مأمورین ضابطه اده سنده بر عربه به طیقلمش، حسن رامیلره، نظیف سروریلره،
جیل منالره راتیلره مسکن اولان حربیه نظارتی قغوشنه کوتورلمش، او منور
الفکر، ظریف، اصیل کنجه، او حریت و مشروطیت عاشقنه - هیئت مطبوعاتک
شکایت شدید سی اوزرینه تخلیه اولندیغی او کیجه نک یاریسنه قدر - الیم ساعتلر
امرار ایتدیرلمشدر. صلاح نه یامش؟ آلمانیا ایمراطوری علیهنده کوریلان بر مقاله
یازمش، سفیر شکایت ایتش. دولتک محاکمی وار، نه وقت محکمه بر توقیف امری
ویرر ایسه او زمان آدم طوتیلور. آلمان مطبوعاتنده پادشاه علیهنه نشریات
واقع اولوبده هر نه وقت برلینده شکایت ایدمش ایسه بزه «محکمه به کیدیکز،
دعوی ایدیکز» جوابی ویرلمشدر. آلمانیا ده ایمراطور علیهنه کونا کون سوزلر
ایدیلیور، آغیر مقاله لر یازیلیور، ده بینه اوراده بر ضبطیه ناظری النده هیچ بر
وثیقه عدلیه اولمقسنرین کیسه نی توقیف ایده میور. حال بوکه آلمانیا نک هوا سنده
حکومتک شکل مشروطیتنه رغماً استبداد قوقولری طویولور. آرتق بوراده
حکومات اغیار دوری کچمشدر. بونی یولسز شکایتلرده بولسانلرده بیلملی،
ضبطیه نظارتی ده آرتق ذهنته یرلشدیرملی: «حریت شخصییه هر درلو تعرضدن
مصوندر. هیچ کیسه قانونک تعین ایتدیگی سبب و صورتدن ماعدا بر بهانه ایله
مجازاة اولنه مز». قانون اساسیمزک محافظه سنه هیمز عهد و ثیاق ایلدک. بویاسیلانلر
نه در؟ بز نه وقت افراط ایله تفریطدن قورتیله جغز؟ بر دائرة حکومتی باصان

خذه بی سوروب چیکنه به جک عسکره ژاندارمه کوندرلر، صوکره قانون نظر نده
مفتونوق بیله حاصل اولماش احرار امتدن بر تک آدمک اوزرینه غلبه لک
بر معیتله بالذات ضبطیه ناظری کیدر... نه عقل آماز شیر!

سابق مابینجی فائق نروده! نیچون شمعی به قدر طو توملدی؟ حربیه نظارتی
موقوفین سابقه سندن ده شیع دگیدی؟ ژورنالچیلک الک مهم مرکز و مرجعی
سنه لرحه او اولمادی؟.. راغب بر ایکی کون اوله قدر کوشکنده یان کلدی،
اوطوردی. ذاتاً حسیات دینه دن ذره قدر نصیبی اولمادی حالده توقیفی ایچون
رمضانده آداب اسلامیه علناً مغایر حرکاتی کورلمسی می بکلنیوردی؟ یاخود
اداره حاضره علیه ایکی اوج کون مقدمه قدر برشی دیماش، یاغماشمی ایدی؟
بیچاره صلاحک اوزرینه بر طاقم ضابطه مأموری سوق ایدن ضابطه نک اطوار
متناقضه سی بر معما شکلی آلیور. محکمه جه حل اولنسه ده بزه استبداد دورنده
اولدینی کی امنیتسزک حاجانلرندن قور تولسوق.

اونده راحتسز اولان بر آدم خارجه کی حرکاتی ده راحتله، تدبیر و سلامت
فکرله اداره ایلیمز. دولت بر سوری غوائل خارجه قارشوسنده بولنیورکه
بونلرک صفحات متأخره سی اجمال خارجیه رفیق محمد صالح بک قارئلر مزه
کوستره جکدر. بوسنه وهرسک الحاقی بلغارستان استقلاللی وکرید مسأله سی
وشرق بحرانک آجلمسی اوزرینه تگون ایدن مسائل سآره مسائل داخلیه دن
معدود اولقله برابر دولت لرحه موضوع بحث ومذاکره اولمق اعتباریه بونلره عائد
معلومات وایضا حانک اعطاسی اجمال خارجی محریبه تودیع اولنشد.

بلغارستانده سوویات و ترتیبات عسکریه کورلمکله برابر محاربه ایستمدیکی
تأمین اولنیور. تهیات واقع شمیدی کی بحرانی زمانلرده هراحتله قارشو
یاپیلان شیردن، دینیور. حقوق مشروعه می صلیحاً محافظه قابل اولدقجه
وزره تجاوز و وقوع بولدقجه بزه محاربه فکری بیله یین هیچ بر عقللی یوقدر.
سکون و آسایش اینجده امور داخلیه می اصلاح ایتلی بز. یین ولایتی نهایت
فیضی باشانک الندن قور تارلدی. حجازدن متدفع اولان راتبده معهود قغوشده

آرامگزیندر . فیضینک یمن امامی حمیدالدینہ کوندر دیککی مکتوب اک صوکنجی .
فضاحتیدر ، شناعتیدر . بومکتوبده فیضی قانون اساسی نک ینده عدم نشر
وترویجی یولنده هزینلر ایتشدر . اون کون اولنه قدر حجازدن النان خبرلر اوقطعه
مبارکک آسایشی خصوصنده موجب اطمینان دکلدی .

انقلابک هر طرفده آثار و نتائج حسنه کوسترمسی ، لایقابه یرلشمسی
زمانه و آسایش خارجینک محفل بولنماسنه توقف ایدر اولدینی ایچوندکرکه ۹۳
عکس عملنده متنبه اولان افکار عمومیه عثمانیه حرب طرفداری بولمئور ،
محافظه حقوقزه وسائط مصلحانه ایله صوکه درجه یه قدر توسل ایدلمسینی ایستئور .
فقط حرب اقتصادی ملتزم و بردوام . آوستریا و اپورلری ینه بوراده ، سالنیکده ،
بیروتده ، الح . یولیسز ، اشیا سز دونیورلر . آوستریالیلره عائد یاخود آوستریا
امتعسسی صانان دکانلرده آلیش و یریش اولمئور . بوی قوتاز بزدن انکلتزیه ده
سرایت ایتش و اخیراً اسقوجیاده آوستریالی تجار علیهنه نمایشلر وقوع بولشدر .
یالکزی یافده وقوعه کلن برحادثه بی قیدتأسفله بیان ایدرز . آوستریا پوسته خانه سنه
و آوستریا پوسته سیله کلن اشیا بی نقل ایدن عربیه تجاوز ایدلمش که بوندن مناسبتسز
وسیاسه مضر برشی اولاماز . حرب اقتصادی بویله تجاوز آله اولماز . بویولده وقائعک
تکرری سفیرک شکایتیله و شکایتی دیگلمکله تمیوب مداخله بی دعوت ایدرو بومداخله
مشروع اولور . یافه حادثه سنک متفرد اولمسی و دیگر جهتلرده حرب اقتصادیکنک
پک کوزل اکلاشیلوب حسن تطبیق ایدلمکده بولنمسی شایان تشکر در .

ابن الضیا

اجال خارجی

روسیه خارجییه ناظرینک لوندرده سیراد وارغره ی ایله اجرا ایلدیکی مذاکرات
نهایت الامر اختلافات متحده نک حلی بر قونفرانس عقیدینه وابسته بولندیفتک .